

თელავის მუნიციპალიტეტის საკრებულოს

საფინანსო-საბიუჯეტო კომისიის სხდომის

ოქმი N 1

ქ. თელავი

17.01.2023 წელი

თავმჯდომარეობდა: ზურაბ ლილუაშვილი

ესწრებოდნენ კომისიის წევრები: თამარ ხატიაშვილი; ოთარი ესიტაშვილი; მამუკა ბურდიაშვილი; გიორგი ხაჭაპურიძე; გიგი გიგიტელაშვილი; რუსუდან იმერლიშვილი; ნინო ომანიძე; იმედა კველიშვილი.

სხდომას აგრეთვე ესწრებოდნენ: დეპუტატები - მარიამ ლილუაშვილი. მიხეილ დალუნდარიძე; დავით ლაღანიძე; ლევან ბერძენაშვილი; ზაზა ტატულიშვილი. საკრებულოს აპარატის უფროსი - ტარიელ გალახვარიძე; საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს საორგანიზაციო განყოფილების უმცროსი სპეციალისტი - ნინო ასანაშვილი; საკრებულოს საზოგადოებასთან ურთიერთობისა და პიარის სპეციალისტი - ნიკოლოზ ესიტაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი; თელავის მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსი - თედო ხოსროშვილი. მოქალაქე - მაკა მოსიაშვილი. .

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

დღის წესრიგი:

1. თელავის მუნიციპალიტეტის საკრებულოს 2022 წლის 28 დეკემბრის N22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე.

მომხსენებელი - ზ. ლილუაშვილი
თანამომხსენებელი - ნ. ვაყელიშვილი

2. თელავის მუნიციპალიტეტის საკრებულოს 2018 წლის 08 თებერვლის N12 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე

მომხსენებელი - ზ. ლილუაშვილი

3. „თელავის მუნიციპალიტეტის საკრებულოს თანამდებობრივი სარგოების და აპარატის პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“

მომხსენებელი - ზ. ლილუაშვილი

მოსმინეს 1. თელავის მუნიციპალიტეტის საკრებულოს 2022 წლის 28 დეკემბრის N22 დადგენილებაში „თელავის მუნიციპალიტეტის 2023 წლის ბიუჯეტის დამტკიცების შესახებ“ ცვლილების შეტანის თაობაზე.

აზრი გამოთქვას: ზ. ლილუაშვილმა ისაუბრა ბიუჯეტში ცვლილებასთან დაკავშირებით და განმარტებები მოსთხოვა თელავის მუნიციპალიტეტის მერიის საფინანსო-საბიუჯეტო სამსახურის უფროსს- ნ. ვაყელიშვილს.

მან აღნიშნა, რომ თელავის მუნიციპალიტეტის მერიის მიერ ინიცირებული პროექტი ეხება, თელავი მუნიციპალიტეტის 2023 წლის ბიუჯეტში ცვლილებების შეტანას, რომლის ძირითადი მოტივი მდგომარეობს 2023 წლის 01 იანვრისთვის არსებული ნაშთის ნაწილის ასახვაში, რომლითაც მოხდება ცვლილება ბიუჯეტის გადასახდელებში გარდამავალი პროექტების, ვალდებულებების და 2023 წელს განსახორციელებელი ღონისძიებების დაფინანსება. აგრეთვე „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში მუნიციპალიტეტებისათვის თანხის გამოყოფის შესახებ“, საქართველოს მთავრობის 29 დეკემბრის N2476 განკარგულებით გამოყოფილი თანხების ასახვაში, რომლის გათვალისწინებითაც თელავის მუნიციპალიტეტის ბიუჯეტი განისაზღვრა 69 569,27 ათასი ლარის ოდენობით.

ზემოაღნიშნულის გათვალისწინებით შესაბამისად მოხდეს ცვლილება ბიუჯეტის შემოსულობებში და გადასახდელებში. გაიზარდოს გრანტის მუხლი, სოფლის მხარდაჭერის პროგრამა- 478,0 ათასი ლარით. (საქართველოს მთავრობის 2022 წლის 29 დეკემბრის N2476 განკარგულება).

კომისიის წევრებს ძირითადად კითხვები ჰქონდათ, დაუმთავრებელ ინფრასტრუქტურულ პროექტებზე და არშემდგარ ტენდერებზე, რაზეც მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსმა თ. ხოსროშვილმა ამომწურავად უპასუხა.

კომისიის წევრების უმრავლესობამ მხარი დაუჭირა წარმოდგენილ ცვლილებას. კენჭისყრაში მონაწილეობა არ მიიღეს რუსუდან იმერლიშვილმა და გიგი გიგიტელაშვილმა.

გადაწყვიტეს: კომისიის წევრებმა მიზანშეწონილად მიიჩნიეს, ბიუჯეტის ცვლილების პროექტი წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

მოსმინეს 2. თელავის მუნიციპალიტეტის საკრებულოს 2018 წლის 08 თებერვლის N12 დადგენილებაში „თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე.

აზრი გამოთქვას: კომისიის თავმჯდომარემ მოკლედ მიმოიხილა წარმოდგენილი პროექტი. მან აღნიშნა რომ თელავის მუნიციპალიტეტის მერიის მიერ ინიცირებული პროექტი ეხება თელავის მუნიციპალიტეტის საკრებულოს 2018 წლის 08 თებერვლის №12 დადგენილებაში

„თელავის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის საკითხს.

ნორმატიულ აქტში ცვლილების შეტანის მიზეზს წარმოადგენს „საქართველოს 2023 წლის სახელმწიფო ბიუჯეტის შესახებ“ საქართველოს კანონის 24-ე მუხლის მე-2 პუნქტით გათვალისწინებული ჩანაწერი, რომლის თანახმად, 2023 წელს „საჯარო დაწესებულებაში შრომის ანაზღაურების შესახებ“ საქართველოს კანონის შესაბამისად, დასაქმებულთა საბაზო თანამდებობრივი სარგო 2022 წელთან შედარებით გაიზარდა და განისაზღვრა 1210 ლარის ოდენობით. წარმოდგენილი ცვლილება ითვალისწინებს საბაზო თანამდებობრივი სარგოს გაზრდას საქართველოს 2023 წლის სახელმწიფო ბიუჯეტით გათვალისწინებული საბაზო თანამდებობრივი სარგოს შესაბამისად, რაც გამოიწვევს თანამდებობრივი სარგოების ზრდას. ასევე გათვალისწინებულია თელავის მუნიციპალიტეტის ადმინისტრაციულ ერთეულებში ადმინისტრაციული ხელშეკრულებით დასაქმებულ სპეციალისტთა თანამდებობრივი სარგოს ზრდა 100 ლარის ოდენობით.

ზემოაღნიშნული ცვლილებების განსახორციელებლად საჭირო ფულადი სახსრები თელავის მუნიციპალიტეტის 2023 წლის ბიუჯეტის პროექტით გათვალისწინებულია და სრულად არის შესაბამისობაში „საქართველოს 2023 წლის სახელმწიფო ბიუჯეტის შესახებ“ და „საჯარო დაწესებულებაში შრომის ანაზღაურების შესახებ“ საქართველოს კანონებთან.

კომისიის წევრების უმრავლესობამ მხარი დაუჭირა წარმოდგენილ ცვლილებას. გიგი გიგიტელაშვილმა, რუსუდან იმერლიშვილმა, ნინო ომანიძემ და იმედა კველიშვილმა მხარი არ დაუჭირეს წარმოდგენილ ცვლილებას.

გადაწყვეტეს: ცვლილების პროექტი წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

მოისმინეს 3 „თელავის მუნიციპალიტეტის საკრებულოს თანამდებობრივი სარგოების და აპარატის პროფესიულ საჯარო მოხელეთა საშტატო ნუსხისა და თანამდებობრივი სარგოების დამტკიცების შესახებ“ ცვლილების შეტანის თაობაზე.

აზრი გამოთქვეს: ზ. ლილუაშვილმა ისაუბრა წარმოდგენილ პროექტთან დაკავშირებით. მან აღნიშნა, რომ ნორმატიული აქტის მიღების მიზანია თელავის მუნიციპალიტეტის საკრებულოში პროფესიონალი და კომპეტენტური კადრების შენარჩუნება და მოტივაციის ამაღლება იმისათვის, რათა დაკისრებული ფუნქცია/მოვალეობების შესრულების ხარისხი იყოს მაქსიმალურად მაღალი.

კომისიის წევრების უმრავლესობამ მხარი დაუჭირა წარმოდგენილ ცვლილებას. კენჭისყრაში მონაწილეობა არ მიიღეს გიგი გიგიტელაშვილმა, რუსუდან იმერლიშვილმა, ნინო ომანიძემ და იმედა კველიშვილმა.

გადაწყვიტეს: ცვლილების პროექტი წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

საფინანსო-საბიუჯეტო
კომისიის თავმჯდომარე



ზ. ლილუაშვილი